

starogradski

OPĆINA STARI GRAD  
SARAJEVO



MUNICIPALITY OF STARI  
GRAD SARAJEVO

# haber

BESPLATAN PRIMJERAK ● MART, 2013. broj 17.

- **Nastavak rekonstrukcije Ferhadije**
- **Prva pasivna kuća u Starom Gradu**
- **Park prirode na Grdonju**
- **Predstavljamo: OV Stari Grad**

Četiri nova  
info panoa



- 2-3 Novi info panoji u Starom Gradu
- 7 Program rada OV za 2013. godinu
- 10-11 Intervju: Sakib Avdićbegović, pomoćnik načelnika za boračko-invalidsku zaštitu
- 12 Mevlevijska tekija se otvara 06. aprila
- 17-19 Predstavljamo: Pokopno društvo Bakije




## Impressum

**Izdavač:** Općina Stari Grad Sarajevo  
**Tiraž:** 2.000  
**Pripremili:** Almedina Porča  
Alma Imamović  
Alija Ibrović  
Džavid Katica  
**DTP:** Safet Mališević  
**Fotografije:** Zijad Lokvančić  
**Štampa:** DES d.o.o. Sarajevo  
**Adresa:** Zelenih beretki br. 4  
71000 Sarajevo  
**web:** www.starigrad.ba  
**e-mail:** info@starigrad.ba  
**Tel./fax:** +387 33 282 385  
+387 33 217 916

## Promocija

# Turistička ponuda Starog Grada obogaćena novim info panoima



### Centralni pano na Baščaršiji

Općina Stari Grad nastavila je obogaćivanje turističke ponude u gradu postavljanjem četiri nova info panoa: ispred Baščaršijske džamije (dva), ispred Katedrale i ispred Ekonomskog fakulteta. Prva generacija info panoa postavljena je prije tri godine, u saradnji sa Turističkom zajednicom Kantona Sarajevo, i na njima su objedinjene kulturno-historijske znamenitosti.

“Konstantno radimo na promociji turizma u Starom Gradu i ovi info panoi nisu kraj. Uskoro ćemo realizovati projekat bežičnog interneta na tri lokacije: Baščaršijski trg, Trg Fra Grge Martića (is-

pred Katedrale) i Trg oslobođenja – Alija Izetbegović,” kazao je načelnik Ibrahim Hadžibajrić, prilikom promocije panoa. Govoreći o panoima, načelnik je rekao da je ovo druga generacija, a u planu je i treća, dok je prezentaciju sadržaja panoa prepustio Aliji Ibroviću, stručnom savjetniku za promociju i razvoj turizma koji je bio nosilac ovog projekta.

“Dobro došli, s dobrom namjerom, u bilo koje vrijeme,” riječi su kojima je Ibrović počeo svoju prezentaciju napomenuvši kako je ovaj slogan (na arapskom jeziku) često viđao na ulazima u gradove Orijenta, te mu je upravo to bila ideja vodilja kod realizacije projekta



Sa promocije info panoa, Hadžibajrić i Ibrović

## Priča sa naslovne strane



### Info pano ispred Ekonomskog fakulteta

“1001 Starogradski biser” - info panoi. “Da ovaj naš projekat ima dobru namjeru najbolje svjedoče panoi iz prve generacije koji i nakon tri godine stoje na svojim mjestima i niko ih nije oskrnavio,” kazao je Ibrović. On je prisutnima detaljnije predstavio sadržaj svih panoa, koji su na četiri jezika: bosanski, engleski, njemački i turski.

### Kodeks ponašanja zanatlija

Jedan od panoa ispred Baščaršijske džamije sadrži tradicionalnu gastro ponudu Baščaršije. U Sarajevu se već 1489. godine spominje prvi bozadžija i bozadžijski dućan. U ovim dućanima

spremali su se dvije vrste napitaka, a to su boza i salep. U nastavku teksta detaljnije se govori o kakvoj vrsti proizvoda je riječ, a potom se redaju delicije kao što su dulbešecer, bosanski lonac, papaz-ćevap, zahlade, te aščijski esnaf i specijaliteti aščinica.

Na drugom panou, koji je na istoj lokaciji, ispisan je kodeks ponašanja zanatlija u okviru svog esnafa koji se zasniva na zapisima Hamdije Kreševljakovića iz XVII stoljeća, te opisani esnafi: kazandžijski, zlatarski ili kujundžijski, terzijski, dunderski ili nedžarski, te drugi zanati sarajevske čaršije.

Sarajevo je i grad festivala, stoga se na panou ispred Katedrale nalaze opisi

najznačajnijih festivala: Baščaršijske noći, Sarajevska zima, SFF, BIMF, Sarajevski dani poezije, Kid's festival, Jazz fest, kao i dio posvećen Muzeju grada Sarajeva.

### Na redu su grobljanske cjeline

Općina Stari Grad je prije tri godine postavila pet info panoa prve generacije na lokacijama iznad Sebilja, iza Katedrale, u parku kod Muzeja Jevreja, kod Latinske ćuprije i kod Šeher-ćehajine ćuprije. Ibrović je najavio da će treća generacija info panoa objedinjavati grobljanske cjeline u Starom Gradu i oni su u pripremi.

### Dva centralna panoa

Na panou ispred Ekonomskog fakulteta je 47 fotografija sa kratkim opisima svih sadržaja panoa iz prve i druge generacije, a takav je i pano kod Sebilja. Jedino po čemu se ova dva panoa razlikuju su dijelovi koji se odnose na kulturno-historijske sadržaje. Također, ova dva panoa su većih dimenzija i oni su centralni panoi. Svi panoi su dvostrani sa istovjetnim sadržajima sa obje strane, osim dva panoa ispred Baščaršijske džamije i jednog ispred Katedrale koji imaju različite sadržaje.



Ispred Baščaršijske džamije su dva panoa

## Projekti

# Naša pasivna kuća na Kovačima

**A**gencija za arhitekturu i dizajn "Archigreen" iz Sarajeva uputila je Općini Stari Grad pismo namjere za realizaciju projekta "Naša pasivna kuća", koji bi bio prvi pasivni objekat u Bosni i Hercegovini izgrađen u saradnji državnih institucija i izvođača pasivnih kuća. Pasivne kuće svojom vrhunskom toplotnom izolacijom i korištenjem energije iz obnovljivih izvora potrošnju energije smanjuju i do 10 puta, a istovremeno osiguravaju maksimalnu udobnost. Realizacija projekta gradnje ovakvih kuća, početak će upravo u Starom Gradu. Ovakvi primjeri izgrađenih pasivnih kuća govore sami za sebe i već se primjenjuju u Austriji, Hrvatskoj, Sloveniji i drugim zemljama.



Prvi ovakav objekat u Starom Gradu

## Kuća kao ogledni primjer

Pasivnu kuću će graditi firma "Promo'd d.o.o." kao glavni izvođač sa kooperantima. Po završetku gradnje, pasivna kuća će određeni period biti ogledni primjer u korištenju izvođača, u kojoj će se organizovati događaji i sadržaji vezani za energetske efikasnu gradnju. Tokom "Otvorenih vrata pasivne kuće" korisnicima će biti omogućen boravak i uvid u potrošnju i ponašanje ovog objekta.

## Općina obezbijedila parcelu

Općina Stari Grad je, prihvativši učesće u ovom projektu, za izgradnju pasivne kuće izabrala lokaciju u starom dijelu grada. MZ Kovači, a kako Općina ustupa lokaciju i izdaje dozvole na svoje ime, kuća će u konačnici ostati u vlasništvu Općine Stari Grad koja će joj dati krajnju namjenu. Nakon što Zavod za planiranje utvrdi da se na predmetnoj lokaciji može graditi kuća, u skladu sa Regulatornim planom Kovači, pristupit će se izdavanju potrebne dokumentacije, nakon čega će početi gradnja.



Tarik Poturović, šef Sektora za lokalni razvoj

"Pasivna kuća je niskoenergetski objekat koji osobinama ugrađenog materijala i načinom izbora grijanja i hlađenja pruža ugodan unutrašnji prostor i udoban boravak tokom cijele godine (zimi je prosječna temperatura 20 stepeni, a ljeti 26 stepeni), uz vrlo malu potrošnju energije. Prema energetske razredu, kuća se nalazi u grupi A ili B, a to znači da je potrošnja toplotne energije (i rashladne energije tokom ljeta) 15-20 Kvh/m<sup>2</sup>. Primjera radi, cijena potrošnje 1Kvh je oko 0,15KM, što znači da bi ova kuća trošila godišnje oko 2,50KM po m<sup>2</sup>. Ukupna površina kuće iznosi oko 103m<sup>2</sup>," kazao je Tarik Poturović, šef Sektora za lokalni razvoj Općine Stari Grad, zaduženog za realizaciju projekta.



Budući izgled pasivne kuće



## Park šume prijateljstva na Grdonju

**P**rojekat "Park šume prijateljstva" na lokalitetu Grdonj (Općina Stari Grad Sarajevo), nastao je kao plod saradnje između Udruženja inženjera i tehničara šumarstva FBiH (UŠIT) i Generalne direkcije za šumarstvo Republike Turske. Generalna skupština UN-a je 2011. godinu proglasila Međunarodnom godinom šuma sa ciljem podizanja svijesti o održivom upravljanju, očuvanju i razvoju svih tipova šuma i u skladu s tim pozvala sve države članice da organizuju aktivnosti kojima bi se obilježila ta godina.

Zvanična delegacija šumarstva BiH posjetila je iste godine Republiku Tursku gdje je dogovorena realizacija projekta "Park šume prijateljstva", kao simbol bosanskohercegovačkog i turskog prijateljstva i saradnje. Eksperti iz Turske, u saradnji sa stručnjacima KJP "Sarajevošume",

Uprave za šumarstvo KS i Udruženja inženjera i tehničara šumarstva FBiH, iste godine su posjetili predviđeni lokalitet za Park šuma na Grdonju, nakon čega je u Generalnoj direkciji "Turskih šuma" u Ankari urađen idejni projekat.



Prostor za vježbanje

### Sadržaji za sve uzraste

Park će krasiti vidikovac sa veličanstvenim pogledom na Sarajevo i šetnica, amfiteatar koji će moći primiti 80 posjetilaca, te prostor za vježbanje opremljen savremenim spravama za vježbanje. Predviđen je i kafe-restoran na površini od 308 m<sup>2</sup> sa okolnom terasom (verandom), prostor za piknike, dječije igralište sa modernim mobilijarom, fontana, te hladnjak (sjenik). Duž šetnice bit će izgrađen i drveni most, dužine 10 metara. Cijelom šetnicom bit će postavljen dovoljan broj koševa za otpatke, smjernice i znakovi upozorenja. Park

će imati i javnu rasvjetu, protivpožarni punkt za gašenje lokalnog požara, te prijemnu kućicu i kiosk za prodaju suvenira. Općina je preuzete obaveze ispunila izdavanjem urbanističke saglasnosti, a u toku je dopuna projekta, odnosno usklađivanje zahtjeva navedenih u Rješenju građevinske dozvole, nakon čega će se pristupiti realizaciji projekta.

Tehnička realizacija projekta izvršit će se putem Turske uprave za međunarodnu saradnju (TIKA) sa sjedištem u Sarajevu.

### Park će zauzimati površinu od šest hektara

"Park šume prijateljstva" na Grdonju površine je oko 6 ha i imat će dva ulaza sa posebno izgrađenim kapijama. Ovaj lokalitet ima poseban značaj jer je na njemu 1939/40. godine postavljena Ogladna šumsko-meliorativna stanica na kojoj je izučavao prof. Dimitrije Afanasijev koji je i zasadio postojeću dendrofloru, odnosno brzorastuće ili ekspresne alohtone vrste (umješene biljke u prostor). Postojeća dendroflora će biti popisana na jednom od panoa na ulazu u park, na bosanskom i latinskom jeziku.



Kafe-restoran

## Općinsko vijeće

### 3. sjednica

#### Općinskog vijeća

Općinsko vijeće Stari Grad na sjednici održanoj 31. januara jednoglasno je usvojilo prijedloge rješenja o imenovanju stalnih radnih tijela Općinskog vijeća (komisija), o imenovanju drugostepene stručne komisije i komisije za dodjelu slobodnostojećih ljetnih bašta. Imenovani su predsjednici, zamjenici predsjednika i članovi komisija: za poslovne prostore, za stanove kojima raspolaže Općina Stari Grad, za obrazovanje, kulturu i kulturno historijsko naslijeđe, za pitanje boraca i žrtava rata, za privredni razvoj, zanatstvo, turizam i međunarodnu ekonomsku saradnju, za urbani razvoj i ekologiju, za fizičku kulturu i sport, za predstavke i žalbe, za pitanja mladih i za odnose



Alija Kamber, pojasnio Odluku o taksama

s vjerskim zajednicama. Pored pomenutih komisija imenovana je i drugostepena stručna komisija.

Usvojen je i Prijedlog odluke o visini komunalnih taks. Ovom

Odlukom utvrđena je visina komunalne takse koje se plaćaju na području Općine Stari Grad i raspodjele prihoda ostvarenih od naplate, a sve u skladu sa Zakonom o komunalnim taksama. Takse se plaćaju za svaku istaknutu firmu, iznajmljivanje nekretnna licima koja nisu državljani BiH, korištenje sredstava za igru, angažman muzike "uživo" u ugostiteljskim objektima, isticanje plakata i panoa na javnim mjestima, te korištenje prostora za kampove. Odlukom je propisano da prihode ostvareni plaćanjem taksi u iznosu od 85 odsto dobija Općina Stari Grad, a 15 odsto Grad Sarajevo. Na sjednici je vijećnica Alma Jašarević istupila je iz Kluba vijećnika SBB BiH i najavila da će ubuduće nastupati kao samostalna vijećnica.

### 4. sjednica

#### Općinskog vijeća

Općinsko vijeće Stari Grad usvojilo je na četvrtoj sjednici Odluku o izmjenama i dopunama Statuta Općine Stari Grad Sarajevo. Ovim izmjenama omogućen je izbor i drugog zamjenika predsjedavajućeg Općinskog vijeća, te definisano trajanje njihovih mandata i odredbe za razrješenje sa dužnosti koje će se vršiti 2/3 većinom glasova. Sekretara Općinskog vijeća bira Vijeće, ali u skladu sa Zakonom o državnoj službi FBiH i putem Agencije za državnu službu FBiH. Također, urađeno je usklađivanje Statuta sa odredbama Zakona o izboru, prestanku mandata, opozivu i zamjeni Načelnika Općina u FBiH, kojim je utvrđeno ko zamjenjuje Načelnika Općine u slučaju odsustva ili spriječenosti. U nadležnosti Općinskog vijeća uveden je i izbor delegacije u Gradsko vijeće, što je Vijeće i do sada radilo, ali nije bilo definisano Statutom. Izvršeno je usklađivanje odredaba Statuta sa Zakonom o principima lokalne samouprave u FBiH u smislu nadležnosti za utvrđivanje organizacije jedinstvenog organa uprave i donošenja Pravilnika o unutrašnjoj organizaciji. Prijedlog Budžeta Općine Stari Grad Sarajevo za 2013. godinu, u iznosu od 19 212,000 KM, Općinsko vijeće usvojilo je sa 25 glasova za, jednim protiv i dva suzdržana. Usvajajući prijedloga budžeta protudilo je usvajanje dva zaključka:



20.000 KM obnova Ferhat-pašine džamije

- da se na ime obnove Ferhat-pašine džamije u Banjaluci, sa posebnih sredstava Civilne zaštite, izdvoji iznos od 20.000 KM (inicijativa vijećnika Ahmeda Mašića, Klub Stranke za BiH)

- da se pristupi izradi idejnog i izvedbenog projekta izgradnje puta Dariva-Gazin Han, za što će se obezbijediti sredstva u iznosu od 10.000 KM (inicijativa vijećnika Irfana Čengića, Klub SDP)

Također, usvojen je Prijedlog Odluke o privremenom korištenju javnih površina, te prijedlozi Zaključaka o prihvatanju Sporazuma o saradnji Općine Stari Grad sa općinama Mamak (Republika Turska) i Chiesanuova (Republika San Marino)

## Tematska sjednica

Općinsko vijeće Stari Grad Sarajevo održalo je 14. marta, 2013. godine tematsku sjednicu na kojoj je razmatran radni materijal Zakona o lokalnoj samoupravi. Kako je napomenuo predsjedavajući Općinskog vijeća, Vedran Dodik, Federalni zakon o principima lokalne samouprave je stupio na snagu 2006. godine, a obaveza kantona je bila da u roku od šest mjeseci izvrše usklađivanje Zakona o lokalnoj samoupravi. Za disusiju su se javljali vijećnici Irfan Čengić, Suljo Agić, Gradimir Gojer i Nihad Čolpa, te predsjednik Komisije za propise i statut, Šukrija Bakšić, a svi su izrazili nezadovoljstvo predloženim Zakonom, naročito po pitanju jasnog regulisanja nadležnosti i raspodjele prihoda. Općinsko vijeće Stari Grad Sarajevo je usvojilo zaključke. I Općinsko vijeće Stari Grad Sarajevo podržava



Na tematske sjednice

stavove koje su na zajedničkom sastanku usaglasile četiri gradske općine. 2. Podržavaju se Zaključci Saveza općina i gradova FBiH doneseni na sastanku održanom 26.02.2013. godine. 3. U svim daljnim aktivnostima na usaglašavanju, odnosno utvrđivanju konačnog teksta Prijedloga Zakona o lokalnoj samoupravi voditi računa o ranije donesenim zaključcima Općinskog vijeća Stari Grad Sara-

jevo, i to: Zaključak broj: 02-49-331 od 08.07.2011. godine i Zaključak broj: 02-19-548/11 od 30.11.2011. godine. 4. Sve sugestije i prijedlozi vijećnika koji su izneseni na tematskoj sjednici će biti obrađeni i upućeni nadležnom ministarstvu Kantona Sarajevo, kao prilog zaključcima koji su usvojeni

# Program rada Općinskog vijeća u 2013. godini

## JANUAR

- Program rada Općinskog načelnika za 2013. godinu
- Prijedlozi Rješenja o imenovanju stalnih radnih tijela Općinskog vijeća (komisija); Drugostepene stručne komisije Općine Stari Grad; Komisije za dodjelu slobodnostojećih ljetnih bašti;
- Prijedlog Odluke o visini komunalnih taksi

## FEBRUAR

- Prijedlog Programa rada Općinskog vijeća za 2013. godinu
- Prijedlog Odluke o imenovanju Komisije za priznanja Općine Stari Grad
- Prijedlog za izmjenu i dopunu Statuta Općine Stari Grad Sarajevo
- Prijedlozi akata iz oblasti finansija: Prijedlog Budžeta Općine Stari Grad Sarajevo za 2013. godinu i Prijedlog Odluke o izvršavanju Budžeta
- Prijedlog Odluke o privremenom korištenju javnih površina

## MART



### *Naplata zakupnina od poslovnih prostora*

- Izvještaj o radu Pravobranilaštva Općine Stari Grad Sarajevo
- Prijedlog Odluke o izmjenama i dopunama Odluke o stalnim radnim tijelima OV
- Izvještaj o stanju naplate zakupnina za poslovne prostore za period 01.01-31.12.2012.god
- Informacija o izboru kandidata- korisnika općinske stipendije (nadareni učenici i studenti)

## APRIL

- Prijedlog Odluke o dodjeli priznanja Općine Stari Grad Sarajevo
- Informacija o izvršenju Budžeta Općine Stari Grad Sarajevo za period 01.01.-31.03.2013.
- Prijedlozi Odluka o vidovima socijalne zaštite koji se finansiraju iz budžeta Općine

- Prijedlog Odluke o raspodjeli budžetskih sredstava za redovnu djelatnost boračkih udruženja

## MAJ



### *Obilježavanje Dana Općine*

- Svečana sjednica Općinskog vijeća Stari Grad Sarajevo, povodom Dana Općine
- Prijedlog Odluke o plaćama i naknadama u Općini Stari Grad Sarajevo
- Informacija o provođenju Odluke o načinu odabira projekata nevladinih/neprofitnih organizacija po LOD metodologiji
- Informacija o stanju sigurnosti na području općine Stari Grad Sarajevo;
- Informacija o radu Turističke zajednice Kantona Sarajevo
- Informacija o radu JU «Kantonalni Centar za socijalni rad»

## JUNI

- Prijedlog Odluke o visini naknade za pogodnosti gradskog građevinskog zemljišta, rente za područje Općine Stari Grad Sarajevo
- Prijedlog Odluke o utvrđivanju visine naknade za građevinsko, poljoprivredno i gradsko - građevinsko zemljište za 2013. godinu

## AUGUST

- Izvještaj o izvršenju Budžeta Općine Stari Grad Sarajevo za period 01.01-30.06.2013. godine
- Prijedlog odluke o izmjeni odluke o Upratnici grba i imena Općine Stari Grad Sarajevo
- Informacija o stanju starih i deficitarnih zanata
- Izvještaj o izvršenim hitnim intervencijama na zgradama
- Informacija o aktivnostima na rješavanju problema ruševnih objekata u Starom Gradu
- Informacija o provođenju Odluke o

- podjeli i prodaji stanova

## SEPTEMBAR

- Informacija o stanju komunalne čistoće na području općine Stari Grad Sarajevo
- Informacija o provođenju Odluke o davanju u zakup stanova zakupcima
- Informacija o provođenju Odluke iz oblasti imovinsko - pravnih odnosa

## OKTOBAR

- Informacija o izvršavanju Budžeta Općine Stari Grad Sarajevo za period 01.01-30.09.2013.
- Informacija o uspjehu i vladanju učenika osnovnih škola u školskoj 2012/2013. godini

## NOVEMBAR



### *Podjela hedija boračkoj populaciji*

- Načrt Budžeta Općine Stari Grad Sarajevo za 2014. godinu
- Načrt Odluke o izvršavanju Budžeta Općine Stari Grad Sarajevo za 2014. godinu
- Informacija o provođenju Odluke o prodaji poslovnih prostora
- Informacija o ostvarivanju boračko-invalidske zaštite
- Informacija o aktuelnim pitanjima iz oblasti socijalne zaštite

## DECEMBAR

- Prijedlog Budžeta Općine Stari Grad Sarajevo za 2014. godinu
- Prijedlog Odluke o izvršavanju Budžeta Općine Stari Grad Sarajevo za 2014. godinu
- Informacija o stanju prostorno-planske dokumentacije za područje Općine Stari Grad Sarajevo
- Informacija o provođenju Odluka iz oblasti urbanizma
- Informacija o aktivnostima načelnika Općine u 2013. godini
- Program rada načelnika Općine Stari Grad Sarajevo za 2014. godinu

## Općinsko vijeće

## Općinsko vijeće Stari Grad Sarajevo (2012 - 2016.)

Općinsko vijeće Stari Grad (2012-2016.) konstituisano je 04. decembra, 2012. godine. Na prijedlog Komisije za izbor i imenovanje predsjedavajućeg i zamjenika predsjedavajućeg, za predsjedavajućeg Općinskog vijeća Stari Grad izabran je Vedran Dodik (Nezavisna lista Za moj grad). Za zamjenika predsjedavajućeg Općinskog vijeća izabran je Nermin Bjelak (BPS Sefer Halilović). U ovom broju Starogradskih habera, predstavljamo Općinsko vijeće Stari Grad.

**Nermin Bjelak**

Zamjenik predsjedavajućeg Općinskog vijeća

**Bachelor prava**

- rođen je 13. marta, 1971. godine u Sarajevu
- završio je Pravni fakultet
- zaposlen

**Elvir Muslim**

Vijećnik

**Policajac**

- rođen je 06. decembra, 1977. godine u Sarajevu
- završio je Srednju policijsku školu Sarajevo
- zaposlen

**Mensud Pekmez**

Vijećnik

**Mašinski tehničar**

- rođen je 03. aprila, 1977. godine u Foči
- završio je Srednju mašinsku školu u Sarajevu
- zaposlen

**Jasmin Parla**

Vijećnik

**Diplomirani sanitarni inženjer**

- rođen je 16. juna, 1986. godine u Sarajevu
- završio je Fakultet zdravstvenih studija u Sarajevu
- zaposlen

**Vedad Deljković**

Vijećnik

**Bachelor međunarodnih odnosa**

- rođen je 20. decembra, 1985. godine u Sarajevu
- završio je Fakultet Političkih nauka Univerziteta u Sarajevu
- nezaposlen

**Amila Olovčić**

Vijećnica

**Diplomirani kriminalista**

- rođena je 06. marta, 1980. godine u Sarajevu
- završila je Fakultet kriminalističkih nauka u Sarajevu
- nezaposlena

**Lamija Silajdžić**

Vijećnica

**Diplomirani žurnalista poslovnog komuniciranja**

- rođena je 10. juna, 1985. godine u Sarajevu
- završila je Fakultet političkih nauka
- zaposlena

**Vedran Dodik**

Predsjedavajući Općinskog vijeća

**Diplomirani pravnik**

- rođen je 15. februara, 1978. godine u Sarajevu
- završio je Pravni fakultet u Sarajevu
- zaposlen

**Alija Hodžić**

Vijećnik

**Radnik**

- rođen je 02. februara, 1957. godine, Točionik-Sokolac
- završio je Saobraćajnu školu
- zaposlen

**Seid Škaljić**

Vijećnik

**Bachelor ekonomije**

- rođen je 05. marta, 1987. godine u Sarajevu
- završio je Ekonomski fakultet u Sarajevu
- zaposlen

**Minela Alić**

Vijećnica

**Bachelor za bosanski, hrvatski i srpski jezik i književnosti naroda BiH**

- rođena je 25. februara, 1990. godine u Sarajevu
- završila je Filozofski fakultet u Sarajevu
- nezaposlena

**Samir Muhić**

Vijećnik

**Radnik**

- rođen je 13. februara, 1964. godine u Sarajevu
- završio je Školu metalskih zanimanja u Sarajevu
- penzioner

**Suljo Agić**

Vijećnik

**Profesor odbrane i sigurnosti**

- rođen je 2. februara, 1950. godine u Rogatici
- završio je Fakultet političkih nauka
- zaposlen

**Emina Rovčanin**

Vijećnica

**Profesor razredne nastave**

- rođena je 26. januara, 1983. godine u Sarajevu
- završila je Pedagošku akademiju u Sarajevu
- zaposlena

**Azra Softić**

Vijećnica

**Diplomirani ekonomista**

- rođena je 04. decembra, 1979. godine u Sarajevu
- završila Ekonomski fakultet u Sarajevu
- zaposlena





**Halima Moćević**

Vijećnica

**Diplomirani ekonomista**

- rođena je 19. novembra, 1985. godine u Čajniču
- završila je Ekonomski fakultet u Sarajevu
- zaposlena

**Avdo Hodžić**

Vijećnik

**Trener za specijalne namjene vojske i policije**

- rođen je 15. januara, 1965. godine u Sarajevu
- završio je Fakultet sporta i tjelesnog odgoja
- zaposlen

**Hilmo Kovač**

Vijećnik

**Brigadir u penziji**

- rođen je 18. marta, 1951. godine u Goraždu
- završio je Vojnu akademiju 1982. godine
- penzioner

**Amela Avdić**

Vijećnica

**Profesor razredne nastave**

- rođena je 11. februara, 1970. godine u Sarajevu
- završila Pedagoški fakultet u Sarajevu
- zaposlena

**Ekrem Kaljanac**

Vijećnik

**Majstor grijanja**

- rođen je 30. maja, 1960 godine u Sarajevu
- završio Mašinski školski centar u Sarajevu
- zaposlen

**Gradimir Gojer**

Vijećnik

**Dipl. redatelj i dipl. teatrolog**

- rođen je 1951. godine u Mostaru
- završio je studij komparativne književnosti sa teatrologijom, studij pozorišne i radio režije u klasi prof. dr. Josipa Lešića
- zaposlen

**Vibor Handžić**

Vijećnik

**Magistar politologije**

- rođen je 18. septembra, 1986. godine u Sarajevu
- završio je master studij na Fakultetu političkih nauka
- nezaposlen

**Alma Jašarević**

Vijećnik

**Diplomirani ekonomista**

- rođena je 29. juna, 1980. godine u Sarajevu
- završila je Univerzitet za Poslovne studije, Računovodstvo i Reviziju u Sarajevu
- nezaposlena

**Prof. dr sc. Tatjana Ljujić-Mijatović**

Vijećnica

**Univerzitetski profesor**

- rođena je 11. maja, 1941. godine u Sarajevu
- Inženjer poljoprivrednih nauka, Magistar nauka iz oblasti pejzažne arhitekture
- zaposlena

**Irfan Čengić**

Vijećnik

**Student**

- rođen je 21. maja, 1992. godine u Sarajevu
- student je Pravnog fakulteta Univerziteta u Sarajevu
- nezaposlen

**Mirsad Habibović**

Vijećnik

**Mašinski tehničar u penziji**

- rođen je 1953. godine u Sarajevu
- završio je Srednju mašinsku školu
- penzioner

**Nihad Čolpa**

Vijećnik

**Diplomirani politolog**

- rođen je 30. maja, 1983. godine u Sarajevu
- završio je Fakultet političkih nauka
- zaposlen

**Haris Hrvo**

Vijećnik

**Bachelor sigurnosnih i mirovnih studija**

- rođen je 1971. godine u Sarajevu
- završio je Fakultet političkih nauka u Sarajevu
- zaposlen

**Ahmed Mašić**

Vijećnik

**Profesor sociologije u penziji**

- rođen je 1950. godine u Olovu
- završio je Fakultet političkih nauka u Sarajevu
- penzioner

**Vedran Grebo**

Vijećnik

**Bachelor ekonomije**

- rođen je 1979. godine u Sarajevu
- završio je Ekonomski fakultet - smjer turizam
- zaposlen

**Alija Begić**

Vijećnik

**Hotelijer**

- rođen je 03. oktobra, 1979. godine u Sarajevu
- završio je Saobraćajnu školu u Sarajevu
- zaposlen

## Intervju: Sakib Avdićbegović, pomoćnik načelnika za boračko-invalidsku zaštitu

# Jedna od najboljih službi boračko-invalidske zaštite u Kantonu Sarajevo

**Radimo sa izuzetno osjetljivom populacijom koja je doživjela lične traume • Sramola me što nemamo centralno spomen obilježje**

**S**akib Avdićbegović pomoćnik je načelnika za boračko-invalidsku zaštitu u Općini Stari Grad Sarajevo. Na čelo ove Službe došao je u oktobru, 2009. godine. Do prelaska u Službu za boračko-invalidsku zaštitu radio je u Službi za boračko-invalidsku, socijalnu i zdravstvenu zaštitu. S obzirom na dugogodišnje iskustvo u organu uprave i srodnim poslovima koje je obavljao dugi niz godina, Sakib Avdićbegović kaže da nije imao problema na novom, a sada već starom radnom mjestu i da se dobro snašao s izazovima koji su ga dočekali kao rukovodioca.

□ *Prije četiri godine ste preuzeli funkciju pomoćnika načelnika u Službi za boračko-invalidsku zaštitu, da li ste uveli neke promjene u njenom radu?*

Jesam, u smislu neophodne reorganizacije i racionalizacije, što je i osnovni preduslov za svaki posao. Međutim, najvažniji su dobri međuljudski odnosi i pozitivna radna klima što doprinosi motivaciji za rad i postizanju boljih rezultata. U ovoj Službi imam stručne, kvalitetne i moralne saradnike, međusobno povjerenje i poštovanje, na što sam jako ponosan.

□ *Jeste li zadovoljni odnosom sa kolegama i nadređenim?*

Što se tiče uposlenika ove Službe, ja sam prezadovoljan jer se radi o veomaiskusnom kadru. Neću pretjerati ako kažem da je ovo, na bazi ocjena naših

stranaka ali i zvaničnih nalaza vanjskih kontrola i revizora, jedna od najboljih službi boračko-invalidske zaštite u Kantonu, pa i šire. Što se tiče saradnje sa Načelnikom Općine, moram naglasiti da sam u nekoliko navrata bio izuzetno

*stipendija djeci boračke populacije. Recite nam nešto više o tome?*

Dodjela stipendija djeci boračke populacije sa područja Općine svakako je jedan od važnijih projekata koji se realizuje putem ove Službe. Moram na-



Avdićbegović na radnom mjestu

ponosan zbog njegove ljudske dimenzije i razumijevanja prema boračkoj populaciji čime nam je svima olakšan posao.

### Uvećana sredstva za dodjelu stipendija

□ *Jedan od najaktuelnijih projekata koji se realizuju putem Službe za boračko-invalidsku zaštitu je dodjela*

glasiti da to nije obaveza Općine i da je to po zakonu u nadležnosti Ministarstva za boračka pitanja Kantona Sarajevo koje je za tu namjenu i osnovalo fond "IKRI". Međutim, mi smo naslijedili praksu da, u skladu sa raspoloživim budžetom, izdvajamo određena sredstva za stipendiranje djece boračke populacije. Aplikanti koji preko fonda "IKRI" možda ne bi dobili stipendije zbog ograničenih sredstava ovog fonda, dobit će kod nas ukoliko ispunjavaju propisane uslove. Ovo je stav koji je zauzeo naš Načelnik i Općinsko vijeće, što je za svaku pohvalu.

□ *Kolika su sredstva izdvojena za ove stipendije?*

Za stipendije za školsku 2012/13. godinu budžetom za 2013. godinu predviđeno je povećanje sredstava za ovu namjenu sa 114.000 KM na 200.000 KM. Ove godine dodijeljeno je 199 stipendija, 98 za srednjoškolce i

### Biografija

Sakib Avdićbegović rođen je 1959. godine u Sarajevu gdje je završio osnovnu i srednju školu. Pohađao je Vojnu akademiju, a završio je Fakultet političkih nauka, odsjek Opštenarodnu odbranu.

Prvi zaposlenje ostvario je 1982. godine u Drugoj gimnaziji gdje je radio kao profesor. U Općini Stari Grad je počeo raditi 1983. godine, radio je u Sekretarijatu za narodnu odbranu, a od 1987. godine u Općinskom štabu teritorijalne odbrane Stari Grad. Nakon demobilizacije, od 1997. godine počeo je raditi u Službi za boračko-invalidsku, socijalnu i zdravstvenu zaštitu. Od 2009. godine je na funkciji pomoćnika načelnika za boračko-invalidsku zaštitu Općine Stari Grad.

101 za studente. Stipendija za učenike srednjih škola iznosi 80 KM, a za studente 120 KM.

□ **Kažite nam nešto više i o ostalim projektima koji se implementiraju putem Vaše Službe?**

Ova služba, pored redovnih poslova prenesenih zakonima, učestvuje u realizaciji obilježavanja Dana općine, državnih, vjerskih i drugih značajnih datuma iz odbrambeno-oslobodilačkog rata 1992-95. i NOR-a. Pored toga, učestvuje u redovnom finansiranju djelatnosti boračkih udruženja. Iz budžeta se svake godine izdvajaju značajna sredstva za pomoć boračkoj populaciji u vidu hedija, dodjele prehrambenih paketa, obilaska porodica, dodjele jednokratne pomoći i sl. Služba, u saradnji sa načelnikom i drugim službama, realizuje projekte pomoći boračkoj populaciji kroz dodjele plastenika, građevinskog materijala, stambeno zbrinjavanje i sl.

□ **Da li se ova Služba u svome radu susreće sa nekim problemima i koji su to?**

Najveća poteškoća u našem poslu je to što radimo sa izuzetno osjetljivom populacijom koja je doživjela dosta ličnih trauma. Upravo zbog toga i zbog teške društvene situacije gdje su poremećeni socijalni odnosi, to dodatno frustrira i stvara nezadovoljstvo među boračkom populacijom koje se prelama preko uposlenika ove Službe. Međutim, i mi sami pripadamo ovoj kategoriji stranaka i već godinama radimo ovaj posao i lično se poznajemo tako da to olakšava naš odnos i zahvaljujući tome uspješno rješavamo eventualne konfliktno situacije

### Centralno spomen-obilježje palim borcima

□ **Koliko Općina Stari Grad izdvaja na godišnjem nivou za pomoć boračkoj populaciji?**

Za ove namjene ranijih godina izdvajala su se veća novčana sredstva jer je i budžet bio veći, ali svi moramo shvatiti da je prioritet menadžmenta svake lokalne smouprave prije svega infrastruktura i komunalije, a onda sve ostalo. U budžetu za 2012. godinu za boračku populaciju bilo je izdvojeno



Pomoćnik sa uposlenicima Službe za boračko-invalidsku zaštitu

### Revizija invalidnine i zahtjevi roditelja

Pored redovnih poslova iz nadležnosti tada ove Službe, trenutno su najakutelniji poslovi na reviziji ostvarenog prava na ličnu i porodičnu invalidninu. U Službi se već duže vrijeme nalazi četveročlani revizorski tim, a posao će uskoro biti priveden kraju.

U ovakvoj globalnoj situaciji kakva jeste i velikoj bespolecnoj ogromnoj pritisku od strane roditelja djece boračke populacije kako na Službu, tako i na načelnika Općine, predsjedavajućeg Općinskog vijeća pa i same vijećnike da se njihovoj djeci obezbjedi bilo kakva pomoć u školovanju. Svi smo osjetljivi na djecu i bez obzira ko je za šta nadležan oni očekuju pomoć od Općine. Oni koji dobiju stipendije zaista su zahvalni kako izvršnoj tako i zakonodavnoj vlasti Općine.

oko 335.000 KM. Za ovu godinu planirana su sredstva u iznosu od 386.500 KM, plus 70.000 KM za nabavku plastenika i sadnog materijala, čija dodjela ide preko Službe za privredu. Većina ovog materijala dodjeljuje se pripadnicima boračke populacije. Pored navedenih projekata izdvajaju se sredstva i za jednokratne i materijalne pomoći. Ovaj vid pomoći također nije u nadležnosti Općine, to je obaveza Ministarstva za boračka pitanja Kantona Sarajevo, ali se ostavlja prostor i Općini da u skladu sa mogućnostima izdvoji sredstva i za te namjene.



Jedan od redovnih sastanaka

□ **Da li će i kada biti realizovan projekat izgradnje zajedničkog spomen-obilježja palim borcima?**

Pomalo me i smaneta što dvadeset godina od rata nismo ispoštovali želju porodica šehida i poginulih boraca, kao i boračkih udruženja, da imamo dostojanstveno centralno spomen-obilježje onima koji su branili ovu zemlju. Prošle godine pokrenuli smo projekat izgradnje centralnog spomen-obilježja na lokaciji kod Osmangazi-Bursa sebilja. Napravili smo idejni projekat sa tadašnjim ministrom za boračka pitanja Kantona Sarajevo Nedžadom Ajnadžićem, dogovorili se oko finansiranja i kada je došlo vrijeme potpisivanja Sporazuma o sufinansiranju nastali su poznati problemi u vladi. S obzirom na česte promjene ministara u vladi i da kantonalni budžet jedva postoji, cijeli projekat sada je obustavljen. U svakom slučaju, to spomen-obilježje je obaveza Kantona i mi ćemo insistirati da se što prije nastavi gdje se stalo. Moramo poštovati svoje žrtve, a ne samo gledati lični interes.

## Projekti

# Balkanski mevlevijsko-istraživački centar bit će otvoren 06. aprila

**M**evlevijska tekija koja se gradi na Kovačima srećano će biti otvorena 06. aprila, a otvorenju će prisustvovati i ministar vanjskih poslova Republike Turske, Ahmed Dautoglu. Rečeno je ovo prilikom zvanične posjete delegacije Općine Seldžuk – Konya iz Turske Općini Stari Grad (februar, 2013. godine), kada je dogovoren i zvanični naziv tekije. “Općine Stari Grad i Seldžuk su pobratimljene općine i iz te saradnje izrodila se ideja gradnje tekije na Kovačima koju finansira Seldžuk. Na posljednjem sastanku smo potpisali i Sporazum kojim smo definisali naziv tekije i ona će se zvati ‘Balkanski mevlevijsko-istraživački centar’,” rekao



*U toku radovi na Mevlevijskoj tekiji*

## Gradnja turbeta Hafizu Hadžimuliću

Na sastanku je dogovorena i izgradnja turbeta Hafizu Hadžimuliću u sklopu Bakr-babine džamije gdje je i ukopan, u čemu će također participirati Općina Seldžuk. Procedura oko izgradnje turbeta Hafizu Hadžimuliću je pokrenuta godinu dana nakon njegove smrti, a na inicijativu Udruženja Hadži Mujaga čiji je predsjednik sve do smrti bio upravo Hafiz Hadžimulić. Očekuje se da gradnja turbeta bude završena do 06. aprila, na isti dan kada je najavljeno otvorenje tekije.

## Oživljavanje mevlevijskog reda

Mevlevijska tekija bila je prvi objekat koji je upisan u katastar Grada, po dolasku Austro-Ugarske. Nažalost, ona je kasnije srušena. Ali, važno je naglasiti da se u Sarajevu Mesnevija nije prestala kazivati ni nakon rušenja tekije, a njenim najvažnijim mesneviham su bili Reis Džemaludin Čaušević, Hadži efendija Hadžibajrić, Hadži hafiz Halid efendija Hadžimulić i danas hadži hafiz Mehmed Karahodžić. Gradnjom ove tekije, u Sarajevo se vraća adresa gdje će se nastaviti kazivati Mesnevija i pokušati da se oživi mevlevijski red.

je načelnik Ibrahim Hadžibajrić.

U ime Općine Seldžuk u Sarajevo su doputovali zamjenik načelnika Općine Seldžuk Ajhan Gurbuzer i počasni konzul BiH u Konyi Erdžan Uslu, a sastanku čiji je domaćin bio načelnik Hadžibajrić,

prisustvovali su još i Zulfikar Oruč, direktor TIKE i Nurudin Džih, direktor Fonda Kantona za zaštitu i održavanje grobalja šehida.

Na sastanku je potpisan Ugovor o korištenju tekije između Fonda Kantona Sarajevo za zaštitu i održavanje grobalja šehida i poginulih boraca, memorijalnih centara i spomen obilježja žrtava genocida i Udruženja za propagiranje i očuvanje kulture, građevina i historijskog naslijeđa Osmanske civilizacije Hadži Mujaga.

Općine Stari Grad i Seldžuk su supotpisnici ovog Ugovora kao garanti izvođenja projekta. Sredstva za izgradnju tekije obezbijedila je Općina Seldžuk koja projekat implementira putem TIKE. Prvobitno je za izgradnju tekije izdvojeno oko 700.000 KM, a na ovom sastanku je dogovoreno da će Općina Seldžuk učestvovati i u uređenju enterijera tekije za što će izdvojiti oko 300.000 KM.



*Načelnik Hadžibajrić s delegacijom Općine Seldžuk*

## Posjete ambasadora Republike Njemačke i San Marina

Ambasadorica Savezne Republike Njemačke u BiH, nj.e. Ulrike Maria Knotz, posjetila je 14. januara, Općinu Stari Grad, a primio je načelnik Ibrahim Hadžibajrić. Povod posjete bile su čestitke Hadžibajriću na reizboru za načelnika Općine i ubjedljivoj pobjedi na lokalnim izborima. Između ostalog, razgovarali su o principima na kojima počiva lokalna samouprava na nivou cijele Bosne i Hercegovine, o nadležnostima viših nivoa vlasti i njihovim obavezama koje do sada nisu ispoštovane, te o problemima s kojim se susreće Općina Stari Grad.

Ambasadora Republike San Ma-



Hadžibajrić Chiaruzziju poklonio "tlačićem šijeka vrela"

rino u BiH, nj.e. Michelle Chiaruzzija i počasnog konzula San Marina u BiH Seada Kreševljakovića, načelnik je primio 05. marta, povodom potpisivanja Sporazuma o saradnji između Općine Stari Grad i Općine Chiesanuova (Kjezanova) u San Marinu. Općinsko vijeće Starog Grada je na četvrtoj sjednici prihvatilo inicijativu upućenu iz ove općine za bratimljenjem, te su prilikom susreta dogovoreni detalji saradnje. Predviđeno je da delegacija Općine Chiesanuova posjeti Stari Grad u vrijeme obilježavanja Dana Općine Stari Grad i da tom prilikom bude potpisan Sporazum o saradnji.



Hadžibajrić i Knotz

## Rezultati Javnog poziva projekata "Jačanje lokalne demokratije LOD III"

Sedam projektnih prijedloga organizacija civilnog društva bit će financirane u sklopu projekta "Jačanje lokalne demokratije/demokratije LOD III" projekta kojeg finansira EU iz sredstava Instrumenta predpristupne pomoći (IPA) u iznosu od dva miliona eura. Nakon što je Komisija za evaluaciju projektnih prijedloga bodovala sve projekte pristigle na Javni poziv konačnu Rang listu usvojio je i projektni odbor UNDP-a. Konačna vrijednost svakog pojedinačnog projekta bit će naknadno poznata. Općina Stari Grad je 17. januara, u saradnji s Razvojnim programom UN-a

raspisala Javni poziv organizacijama civilnog društva za predaju prijedloga projekata. Na Javni poziv prijavljeno je 138 projektnih prijedloga.

### Projekti odobreni za finansiranje su:

- Udruženje RODA "Osposobljavanje mladih, nezaposlenih osoba za tržište rada"
- Asocijacija XY "Prevenicija nasilničkog ponašanja među mladima u općini Stari Grad Sarajevo"
- Udruženje Nove mogućnosti "Edukacijom do zapošljavanja"
- EDUS - Edukacija za sve "Stari Grad - središte napretka djece sa razvojnim teškoćama"
- NVO ALTRUISTA Svjetlo "Zajedno stvaramo jednake šanse, upoznajemo i volimo naš Stari Grad"
- Fondacija lokalne demokratije "Kulturna baština je IN"
- Udruženje Infohouse "Pomak u Starom Gradu - profesionalna organizacija mladih aktivista"



Komisija za evaluaciju projekata

## Više novca za stimulaciju poljoprivrede

Općina Stari Grad je u budžetu za 2013. godinu obezbijedila 183.500 KM za finansiranje projekata iz oblasti poljoprivredne proizvodnje, što je za 83.500 KM više u odnosu na prethodnu godinu. Grant za stimulisanje plastične proizvodnje sa edukacijom poljoprivrednih proizvođača uvećan je u odnosu na 2012. godinu. Tako je za stimulisanje plastične proizvodnje u budžetu Općine Stari Grad planirano 73.000 KM (prešle godine 50.000), za nabavku sadnog materijala 20.000 KM, a za stimulisanje poljoprivredne proizvodnje 10.000 KM.

Po 6.000 KM planirano je za projekte iz oblasti pčelarstva i edukaciju proizvođača u rezidbi voća. Planirano je i 40.000 KM za projekte iz oblasti stočarstva, 5.000 KM za zadržavanje mljeknih cartoon, 10.000 KM za nabavku stočne hrane, te 13.500 KM za veterinarstvo.

Kao i prethodnih i ove godine projekti iz oblasti poljoprivredne proizvodnje bit će realizirani putem Službe za privredu Općine Stari Grad.

## Otvorena sezona ribolova na Darivi



Očišćene obale

Načelnik Općine Stari Grad Ibrahim Hadžibajrić je sustvovao je 03. marta, 2013. godine otvaranje sezone ribolova na Darivi, te akciji čišćenja obale Miljacke Udruženje iz roštiljadu i akciju čišćenja obale Miljacke organizovalo je Udruženje sportskih ribolovaca "Mljacka" povodom 1. marta, kada je i zvanično otvorena sezona ribolova. Kako je istakao zamjenik predsjednika Udruženja smet Bajraktarević na ovaj način žele poslati poruku da će u narednom periodu organizovati veliku akciju čišćenja korita i obale rijeke od brane na Benibaši do entitetske granice. "Osnovni cilj nam je da Dariva bude čista, te da posjetiocima napravimo ljepši ugođaj i čišuje šetalište", kazali su iz Udruženja.

## Saniran zid u Ulici Halilbašića



### Zid nakon sanacije

Urađena je sanacija ruševnog zida u Ulici Halilbašića broj 1a u Mjesnoj zajednici Kovači. Općina Stari Grad pristupila je hitnoj sanaciji ovog zida jer se obrušavao na ulicu i predstavljao opasnost za prolaznike i automobile. "S obzirom da je zid bio od čerpiča i kamena i poprilično dotrajavao, obilne padavine su pogoršale njegovo stanje. Na osnovu odluke Službe za civilnu zaštitu, urađena je privremena sanacija ruševnog zida", pojasnili su u Službi za komunalne poslove i investicije Općine. Radovi su podrazumijevali uklanjanje obrtačenog dijela zidu, te učvršćivanje ostalih dijelova cementnim malterom. Pored toga, zid je prekriven plastičnom folijom radi sprječavanja daljnjeg obrušavanja zida. Udarjanje zida sa oko 1.500 KM finansirala je Općina Stari Grad, a izvođač radova je bila firma „Klicio trans“ iz Sarajeva.

## Adaptacija poslovnog prostora



### Radovi su počeli 18. maja

U toku je sanacija i adaptacija općinskog poslovnog prostora u Ulici Kulina bana broj 24/II. Radi se o prostoru koji je neustrojan i kojem je neophodna kompletna adaptacija da bi bio upotrebljiv. "Unutar prostora radi se sanacija počeva, zidova, plafona, obijanje keramičkih podnih i zidnih pločica, te postavljanje novih. Pored toga planirani su i kompletni molerajski radovi, sanirati će se mokri zvorovi, stolarija i elektro-instalacije", pojasnili su u Službi za komunalne poslove i investicije Općine. Projekat adaptacije prostora sa oko 23.200 KM finansira Općina, a izvođač radova je firma "Klicio trans" iz Sarajeva.

## Aktuelno



Nastavak rekonstrukcije drugog dijela dijela Ulice Ferhadija, od Ekonomskog fakulteta do Apoteke Stari Grad, kod Katedrale, počeo je 18. maja, 2013. godine. Riječ je o projektu kompletne rekonstrukcije ulice Ferhadija, na potezu od Gradske tržnice do Apoteke "Stari Grad" kod Katedrale, a prva faza radova završena je u julu prošle godine i to na dionici Gradska tržnica - Ekonomski fakultet.

Projekat rekonstrukcije Ferhadije podrazumijeva uklanjanje i odvoz postojećih ploča, izradu novog tampona, armirano-betonske podloge, slivnika i ivičnjaka, te ugradnju novih ploča od prirodnog granitnog kamena. Rekonstrukcijom je obuhvaćena i kompletna izmjena infrastrukture koja obuhvata vodovodne, plinske i telefonske instalacije, te izgradnju

novih potrebnih priključaka za oborinsku kanalizaciju.

Iz Službe za komunalne poslove i investicije Općine Stari Grad potvrdili su da će se ukloniti stare ploče, a potom će se instalacije mijenjati naizmjenično s lijeve i desne strane Ferhadije u pravcu od Ekonomskog fakulteta do Katedrale. Ukoliko vremenski uslovi budu povoljni, završetak radova očekuje se do 01. juna.

Projekat rekonstrukcije drugog dijela ulice Ferhadija košta 572.000 KM, Prijedlogom budžeta Kantona Sarajevo za ove namjene planirano 255.900 KM, dok će ostatak od 316.100 KM finansirati Općina Stari Grad Sarajevo.

S obzirom da je ovo nastavak prošlogodišnjeg projekta, po Ugovoru izvođač radova je firma "Mibril" d.o.o.

## Nove korpe za otpad

Dvanaest novih betonskih korpi za otpad postavljeno je 07. marta, 2013. godine na kombi, trolejbuskim, autobuskim i tramvajskim stanicama u užem jezgru Starog Grada. Na ovaj način Općina Stari Grad je riješila dugogodišnji problem odlaganja otpada na najprometnijim stanicama u Starom Gradu. Po jednu betonsku korpu postavljena je na tramvajskim stajalištima na Latinskoj čupriji, Vijećnici, Bašćaršiji i Katedrali. Nove kante dobila je i Drvenija, kombi stajalište na Latinskoj čupriji i Bašćaršiji, autobusko stajalište kod Vijećnice za Dobrinju i Pale i trolejbusko stajalište Trg Austrije. Na svim pomenutim stajalištima

postavljena je po jedna kanta, s izuzetkom Doma oružanih snaga BiH gdje su postavljene dvije betonske kante za otpad. Projekat postavljanja kanti za otpad sa oko 3.000 KM finansirala je Općina Stari Grad, a izvođač radova je bila firma KJKP "Rad".



### Nove korpe kod Doma oružanih snaga

## Zidanje prizemne etaže zgrade na Baruthani



*U toku zidanje prizemnog dijela*

Izgradnja zgrade namijenjene za smještaj interno raseljenih porodica na lokalitetu Baruthana-Gazin Han odvija se planiranom dinamikom. "Završeno je betoniranje suterena prve etaže vertikalne konstrukcije i izgradnja jednog dijela potpornih zidova, a u toku je zidanje prizemnog dijela. Pored toga, postavlja se hidroizolacija na zidove suterena, a uporedo se iz-

vode i tesarski radovi na vertikalnoj konstrukciji", pojasnio je šef gradilišta firme "Unigradnja" Selvedin Klapuh. Izgradnja ovog objekta radit će se u dvije faze. Za prvu fazu izgradnje obezbijedeno je 255.000 KM. Ministarstvo za rad, socijalnu politiku, raseljena lica i izbjeglice KS obezbijedilo je 155.000 KM, Općina Stari Grad 100.000 KM i Hilswerk Austria International 10.000 KM.

## Nova oborinska kanalizacija Iza Gaja



*Četrdeset metara nove kanalizacije*

U martu je počeo projekat postavljanja nove oborinske kanalizacije na području Mjesne zajednice Hrid - Jarčedoli na saobraćajnici Iza Gaja. Na saobraćajnici se izljevala voda što je predstavljalo opasnost za građane, posebno zimi kada se voda ledila. Do izlivanja vode dolazilo je zbog začepjenja starih kanalizacionih cijevi, zbog čega je Općina Stari Grad zajedno sa Direkcijom za puteve i Fondom za zaštitu okoliša FBiH pristupila realizaciji projekta

postavljanja nove oborinske kanalizacije. Uklonjen je postojeći asfalt u potpunoj ulici, te urađeno iskopavanje i vađenje starih kanalizacionih cijevi, postavljanje novih i asfaltiranje. Nova oborinska kanalizacija postavljena je u dužini od oko 40 metara. Izvođač radova bila je firma "AME" d.o.o. iz Breze. Projekat su finansirali Općina Stari Grad s 7.345 KM, Fond za zaštitu okoliša FBiH s 28.000 KM i Direkcija za puteve s 1.869 KM.

## Baza NVO Općine Stari Grad

Sektor za lokalni razvoj Općine Stari Grad, na osnovu dostavljenih podataka, formirao je bazu nevladinih/neprofitnih organizacija, koje su registrovane u skladu sa zakonskim propisima koji važe na području Bosne i Hercegovine, čije se sjedište nalazi na području općine Stari Grad Sarajevo. Prijavni obrazac sa osnovnim podacima o organizaciji dostavilo je 68. organizacija, koje su unutar baze razvrstane prema oblastima djelovanja kao što su kultura i umjetnost, mladi, ljudska prava, socijalna zaštita, obrazovanje, zaštita okoliša, sport, humanitarni rad, itd.

"Osnovna svrha ove baze podataka je sistematična evidencija, a ujedno baza će služiti kao izvor informacija za sve one koji saraduju sa organizacijama civilnog društva," pojasnili su iz Sektora.



*Radna atmosfera u  
Sektoru za lokalni razvoj*

Iz Sektora pozivaju sve zainteresovane organizacije sa sjedištem na području općine Stari Grad Sarajevo da, za dodavanje organizacije u bazu podataka ili izmjenu postojećih podataka, dostave skenirani obrazac (popunjen, ovjeren i potpisan) putem e-maila: [sanin.hadzibajric@starigrad.ba](mailto:sanin.hadzibajric@starigrad.ba) ili [admira.muhić@starigrad.ba](mailto:admira.muhić@starigrad.ba), ili lično svakim radnim danom od 08:00 do 16:00 sati u prostorije Sektora za lokalni razvoj, soba broj 117. - objekat A. Na ovaj način podaci u bazi će uvijek biti aktuelni.

Prijavni obrazac za dodavanje organizacije u bazu podataka ili izmjenu postojećih podataka može se preuzeti putem zvanične web stranice Općine: [www.starigrad.ba](http://www.starigrad.ba) gdje se također može pristupiti Bazi NVO Općine Stari Grad. Za sve dodatne informacije organizacije mogu kontaktirati Sektor za lokalni razvoj, na brojeve telefona: 033/282-484 i 282-412.

## Stari Grad bogatiji za 169 mladih skijaša



### Dodjela diploma na Velikom polju

Svečanom dodjelom diploma drugoj smjenski polaznika škole skijanja (18. januara, 2013.) uspješno je okončan projekat škole skijanja za starogradske osnovce.

“Diplome o uspješno završenom kursu alpskog skijanja dodijeljene su na Velikom polju, samo učenicima koji su redovno pohađali kurs, tako da je ove zime 169 polaznika iz Starog Grada naučilo skijati”, pojasnili su u Službi za obrazovanje, kulturu i sport.

Škola skijanja za starogradske osnovce počela je 7. januara, 2013. godine i trajala je deset dana. Učenici su bili podijeljeni u dvije smjene. Prvu smjenu činili su polaznici iz osnovnih škola “Šejh Muhamed ef. Hadžijamaković”, “Handžija Kreševljaković” i “Saburina”, a drugu “Edhem Mulabdić”, “Vrhbosna” i “Mula Mustafin Hadžeskija”.

Općina je finansirala sve troškove, pa je škola skijanja za djecu bila besplatna. Tehničku pomoć u realizaciji ovog projekta pružio je Ski klub „Širokac“.

## PK "Stari Grad" osvojio 52 medalje



### PK "Stari Grad" na pobjedničkom postolju

Istaknuta plivačka ekipa “Stari Grad” osvojila su treće mjesto i 52 medalje na zimskom plivačkom prvenstvu Kantona Sarajevo. Takmičarima PK “Stari Grad” pripalo je 19 zlatih, 15 srebrnih i 18 bronzanih medalja. Najuspješniji takmičari koji su postali i rekorderi Kantona na 25 metara su Andrej Vujčić u kategoriji 18 godina i apsolutnoj na 200 m delfin, Alen Mrđević u kategoriji 14 godina u disciplini 200 m prsno i Vedad Krkbešević u kategoriji 18 godina u disciplini 100 m leđno. Zimsko plivačko prvenstvo održano je 02. i 03. marta, 2013. godine na Olimpijskom bazenu Otoka. Na ovom prvenstvu učestvovalo je četrnaest ekipa sa 288 takmičara.

Za najuspješnije klubove proglašeni su: GKVS “Sarajevo”, “Bosna” i PK “Stari Grad”.

## Mladi

# Stipendije za djecu boračke populacije



### Sa potpisivanja ugovora za stipendije

Općina Stari Grad i ove školske godine stipendira učenike i studente iz Starog Grada, koji su članovi šehidskih porodica, porodica poginulih boraca, RVI i demobilisanih boraca i time nastavlja podržavati boračku populaciju. Ove godine su izdvojena znatno veća sredstva u odnosu na prethodne. Pomoćnik načelnika za boračko-invalidsku zaštitu, Sakib Avdibegović, pojasnio je da Općina ove godine (školske 2012/13) stipendira 98 srednjoškolaca i 101 studenta. Stipendija za učenike srednjih škola iznosi 80 KM, a za studente 120 KM. “U prošloj godini smo za stipendije izd-

vojili oko 114.000 KM za 112 učenika, dok je ove godine broj znatno veći. Stipendiramo 199 učenika i studenata, a budžetom smo za te svrhe obezbijedili 200.000 KM,” kazao je Avdibegović.

Stipendisti su Ugovore potpisali sredinom marta u Velikoj sali Općine Stari Grad. Zamjenik predsjedavajućeg Općinskog vijeća Stari Grad, Nermin Bjelak, istakao je da ga čini ponosnim kada vidi tako pametnu i odgovornu djecu, budućnost Starog Grada, Sarajeva i države BiH. “Ova stipendija je izričito vaš plod rada i budite ponosni na sebe što ste je zaslužili,” kazao je Bjelak prisutnim učenicima i studentima.

## Prijevoz učenika sa posebnim potrebama

Općina Stari Grad, putem Službe za obrazovanje, kulturu i sport, kontinuirano radi na pružanju pomoći učenicima iz Starog Grada koji imaju poteškoća u kretanju. Od početka ove godine, Općina je, putem pomenute Službe, za petnaestak učenika i njihovih pratilaca obezbijedila sredstva u iznosu od 15.000 KM, koja su namijenjena za prijevoz od kuće do škole i od škole do kuće, bez obzira na udaljenost od mjesta stanovanja do škole. Za pri-



jevoz učenika koji su 100% slijepi vrši se godišnja uplata, a na osnovu pojedinačnih zahtjeva roditelja, na osnovu zakona koji reguliše ovu problematiku. Ove uplate iznose 1.000 KM za jednog učenika i njegovog pratioca za školsku godinu. Općina će i ubuduće učenicima sa posebnim potrebama pružati potrebnu podršku i obezbjeđivati finansijska sredstva za njihovo obrazovanje, koje je od prioritetnog javnog interesa i čini sastavni dio jedinstvenog obrazovnog sistema.



### Prijevoz sa Obhodže u O.Š. "Vrhbosna"



# Bakije - devedeset godina neprekidnog rada



## O smrti u islamskoj tradiciji

Smrt i sve u vezi nje jeste labu tema u modernom društvu. Pa i ovaj tekst što slijedi može se homo modernusu doimati kao tekst prepun svega onoga što modernost podrazumijeva da je s onu stranu zbilje. U modernom vremenu doima se kao da smrti i nema. O njoj se ne da kazivati, sluteći time da se ona ne treba ni misliti – kojeg li apsurda u svjetlu narodne mudrosti: "Bliža je smrt, nego jaka za vratom." Ali to prividno, moderno neimanje smrti ne treba nikako dovoditi u vezu sa tradicionalnim, napose mističnim percepcijama (svetopogledima) koje su znale smrt svesti na svojevrsnu trenutačnost, gotovo pa iluziju. Zastanimo na časak i kažimo riječ-dvije o smrti u islamsko-sufijskom (mističnom) konceptu.

Čuveni sufijski pjesnik hz. **Dželaluddin Rumi Mevlana** (1207.-1273.) ovako je pjevao o smrti:

*„Misliš smrt je utrnuće, a svitanje*

*to je pravo  
Kada tijela grob zarobi, duše smatraj slobodnim  
Koje sjeme ne proklija kad ga se u zemlju baci?  
Zar u sjeme čovjekovo sumnji,  
onda, mjesta ima?!“<sup>1</sup>*

O smrti u Rumijevom učenju **Khalifah Abdul Hakim** kaže slijedeće: „*Mnoga vjetrovanja i filozofije proglasile su život iluzijom, ali Rūmi izjavljuje da je život na svim stupnjevima Vječna Zbilja; nije život iluzija, već smrt.*“<sup>2</sup> Nema nikakve sumnje da ovakvu percepciju smrti može posvjedočiti svaki homo religiosus ili pak čovjek tradicije prosto zato što je riječ o perenijalnom vidiku. Ovaj kratki osvrt na temu smrti u mističnom konceptu završit ćemo stihovima najglasovitijeg bh. pjesnika XX stoljeća **Mehmed-alije Maka Dizdara** (1917.-1971.).

*„Zemlja je smrtnim sjemenom  
posijana*

*Ali smrt nije kraj Jer smrti za-  
pravo i nema...“*

Nakon ovoga kratkog izlaganja na temu smrti iz sufijske perspektive valja nam se sada osvrnuti na ono što je izvor islamske mistike i svega drugoga što imade islamski prefiks. Riječ je o Kur'anu. Glasoviti islamski učenjak, andalužanin **Ibn Arabi** (1165-1240.) za Kur'an veli da je „more bez obala“<sup>3</sup>. Plivati ali i roniti<sup>4</sup> bezbjedno spomenutim „morem“ znači slijediti pravila, zakone i upute tog „mora“, odnosno Kur'ana. A šta nam Kur'an o smrti kazuje, smrti koju ovdje želimo posmatrati u islamskom vidiku? Evo samo nekih kur'anskih kazivanja koji daju odgovor na postavljeni upit:

*„Ma gdje bili, stići će vas smrt...“  
(Kur'an, IV:78)*

*„Svako živo biće smrt će okusiti!“  
(Kur'an, XXI:35)*

<sup>1</sup> *150-tunni Dželaluddin Rumi. Divan-ı Şems, Litvau Polica, Sarajeva, 2005., str. 35*

<sup>2</sup> *M. M. Karif, Historija islamske filozofije II., August Cesarac, Zagreb, 1996., str. 222-223.*

<sup>3</sup> *Tržišni simbol mora kazivaš i bz. Tadžaluddin Rumi. Naime, on govori o morskaj prijemi kao slični onoga izvanjskog i pojavnog (al-Zāhir), u morskaj zadržine jevan slika unutarstijeg (al-Bā'it) u kojoj poštiva ovdje koja u Rumijevoj ali i sufijskoj literaturi općenito jeste simbol božanske Sadržine ili Bija.*

<sup>4</sup> *Ovo plivanje i ronjenje jesu metafore, ili bolje reći simboli temeljnih islamskih dimenzija, a to su šerijat i sufizam – egzoterija i ezoterija. Naravno, svako ronjenje podrazumijeva prethodno dobro poznavanje plivanja po površini mora, odnosno onoga izvanjskog. Dobro poznati islamski aksiom kaže da nema sufizma (ezoterije) bez šerijata (egzoterije)!*

## Predstavljamo

„Reci: »Smrt od koje bježite zaista će vas stići. Zatim ćete Onome koji poznaje i nevidljivi i vidljivi svijet vraćeni biti i On će vas o onom što ste radili obavijestiti.«“  
(Kur'an, LXII:8)

Dakle, Kur'an jasno kazuje da će svako živo biće kušati smrt. Kada nam je tako propisano i kada ćemo svi biti, prije ili kasnije stavljeni na spomenuto kušanje, e da bi se vratili onamo odakle smo i otpočeli valja nam **kolektivno i individualno** odgovoriti (odgovarati) i na ovu životnu datost. Islamska tradicija, odnosno poslanik **Muhammed** (a.s.) kao najblistaviji i nikada zgasnuti uzor o smrti i onome što joj prethodi ali i što slijedi poslije nje (opremanje međa i ukop) kazuje sljedeće:

„Bog je učinio sedam prava obaveznim za vjernika prema vjerniku: Poštovati ga kao osobu, voljeti ga u grudima svojim, dijeliti s njim imetak svoj, smatrati nedopuštenim ogovarati ga, posjetiti ga u bolesti njegovoj, otpratiti tabut njegov i ne govoriti ništa osim dobra nakon smrti njegove.“<sup>5</sup>

Eto zašto smrt u islamskom, ali i u svakom drugom tradicionalnom društvu nije tabu, naprotiv. Smrt i sve drugo što ona podrazumijeva nije stvar samo pojedinca koji nju kuša, opet naprotiv. Treba kazati da hizmet onome koji je na bolesničkoj postelji, a koja nerijetko prethodi smrti jeste obaveza zajednice, a pri tome valja znati da hasta jednovremeno ima pravo na brigu i njegu. Sam čin kušanja smrti u zajednici također je pravo duše koja napušta tijelo, a zajednica ima obavezu ispratiti rastanak duše s tijelom. I konačno, opremanje međa, ispraćaj do kabura i klanjanje džer:aze-namaz jeste pravo međa (odnosno duše) i obaveza zajednice (džemata).

### Sarajevsko pokopno društvo Bakije u svjetlu islamske tradicije

Sarajevo je na prelazu dva stoljeća (XIX i XX) bilo u procesu snažne modernizacije (evropeizacije) koja je kulturni identitet Bošnjaka muslimana uveliko preoblikovala. Gotovo u svim segmentima života osjetile su se promjene i to ne samo u sferi svakodnevnih životnih prakse već su se promjene vidale najsuptilnijim i najizumotnijim di-



Sabitaga Mujezinović, prvi predsjednik društva

menzija ljudskog bića. Modernizacija, a sa njom i urbanizacija dovodile su u pitanje opstanak islamskog tradicionalnog ukopa.

Ukop u predmodernom ili tradicionalnom vremenu u Sarajevu, kao i diljem BiH vršen je u okviru džemata, odnosno mahale. Postojale su dvije vrste mezaristana: samostalni mezaristani unutar grada i mezaristani kao dio džamijskog harema. Navedeni mezaristani bili su sasvim dovoljni za ondašnje prilike u kontekstu veličine grada i broja njegovih stanovnika. Sve aktivnosti u vezi pripremanja međa za ukop i sam čin ukopa obavljani su u okviru najuže društvene zajednice, a to su porodica, familija i naravno džemat (mahala) kojoj je rahmetlija pripadao. Svaka mahala imala je svoga gasala ili je pak gasal mogla biti jedan za više mahala – ovisi od veličine mahale i vremenskih okolnosti općuluto. Naravno, gasal bi pripremio mejt tj. gasulio bi ga, umotavao u čefin, stavljao na tabut i sl. Sav neophodni ukopni materijal (tahta, čefin, tabut, tabut-čoha, bašluk i sl.) najčešće je bivao već ranije pripremljen od strane rahmetlije. Ipak, ukoliko porodica rahmetlije nije imala pripremljen ukopni materijal, zbog lošijeg ekonomskog stanja isti bi bio bezbjedan od komšiluka ili džemata. Sve kazano je u cjelosti bilo moguće u društvu koje poštuje temeljna tradicionalna, a to uvijek znači religiozno-duhovna načela. Stara, tradicionalna praksa uveliko će se pokazati neprimijenjivom u okolnostima kada je modernizacija i urbanizacija podmakla i kada tradicionalno društvo dobrano jeste postalo moderno društvo. U modernim društvenim okolnostima,

napose onima u kojima je izražena velika netrpeljivost prema religiozno-duhovnom valjalo je naći modele za pojedine temeljne praktične radnje koje čine minimum cjeline onoga što jeste islamsko biće.

U svjetlu kazanog dvadesetih godina XX stoljeća jedna grupa Sarajlija odlučila je osnovati prvo islamsko pokopno društvo. Napominjemo, godina osnivanja Pokopnog društva Jedileri (kako se s početka zvalo) je 1923. To je vrijeme Kraljevine Srba, Hrvata i Slovenaca (1918.-1929.), odnosno bh. povijesne dionice u kojoj započinje sistematski atak na bošnjačko-muslimansko biće. Baš u takvom vremenu, iznimno turbulentnom, sedam Sarajlija osnivaju pokopno društvo, a svaki od njih zavrijeđuje da se spomene: **Jusuf Branković** (penzionisani carinik), **Salihaga Kajmaković** (sarač), **Ademaga Patković** (opančar), **Suljaga Alatović** (hamal), **Sabitaga Mujezinović** (bakal), **Hilmibeg Pašić** (kahvedžija) i **Mehmed ef. Polić** (imam) – eto i odgovora zašto se pokopno društvo nazva Jedileri (na turskom jeziku yedi znači sedam). Istina, po nekim izvorima spominju se još dva osnivača, a to su **Akifaga Mujezinović** i **Hasaga Čano**. Za prvog predsjednik pokopnog društva izabran je Sabitaga Mujezinović. Ovi ljudi i svi drugi kojima imena ne znamo, a dali su svoj doprinos u osnivanju, razvoju i očuvanju pokopnog društva vrijedni su svakog dobrog spomena i lijepe riječi.

Valja kazat da je pokopno društvo poslije Drugog svjetskog rata promijenilo naziv

### Manje poznate riječi

**bašluk** (tur.) nadgrobni spomenik poboden više glave.

**mejt** – (ar.) beživotno, mrtvo tijelo.

**tabut** – (ar.) drvena nosiljka na kojoj je mejt.

**tabut-čoha** (ar.-pers.) zeleni prekrivač preko tabuta.

**hizmet** – (ar.) služba, dvorba, usluga... Hizmet činiti jeste paziti i negovati (stare roditelje, bolesnika i sl.).

**hasta** (pers.) holesnik.

**kabur** – (ar.) grobna raka.

**mezaristan** (ar.-pers.) groblje grobljanska cjelina.

**gasal** – (ar.) onaj koji gasuli, tj. kupa mejt.

**čefin** (ar.) hijelo platno kojim se umotava mejt i stavlja na tabut.

**tahta** – (pers.) daska, odnosno daske koje se polažu u kabur preko tabuta s mejtom.

**bakal** (ar.) trgovac na malo.

<sup>5</sup> Rusmir Mahmutćehajić, *Zapis uz Sahifu, U: Sahifa, Potpuna knjiga Sedžadova: moljenja i šaptanja Imam 'Ali ibn el-Husejna, Zejnul-Abidina, DID, Sarajevo, 1997., str. 307. (Podebljao Alija Ibrović)*



**Bakijsko mezarje u Faletićima**

Jedileri u Bakije<sup>6</sup> koje se zadržalo do danas.

U vremenu socijalističke Jugoslavije Pokopno društvo Bakije skrbilo se za očuvanje islamske tradicije i to u vremenu nezapamćene rigidne desakralizacije. Raspadom SFRJ i sa nezavisnošću RBiH (1992.) ubrzo je uslijedila agresija i opsada grada Sarajeva. Pokopno društvo Bakije ulazi u najtežu dionicu svoje povijesti i suočava se sa abnormalnim situacijama kada je riječ o opremanju mejtova, pripremanju kabura i ukopu samom – svi ovi poslovi obavljaju se intenzivno jer je smrtnost u gradu enormno povećana velikim brojem pogibija. Sve aktivnosti Pokopnog društva Bakije prate ratne okolnosti, a one su dobro poznate: opšta nestašica i opšta opasnost – svakodnevna granatiranja različitog intenziteta, snajperska djelovanja i sl. Ipak sve ove, u tekstu naslućene ratne nedaće nikada nisu zaustavile rad Pokopnog društva Bakije. Ukopi su obavljani, a da pri tome tradicija nije iznervljena. Prema jednom podatku kojeg navodi samo Pokopno društvo Bakije na svojoj zvaničnoj web-stranici

broj obavljenih ukopa, odnosno dženaza u vremenu agresije i opsade iznosi preko 10.000.<sup>7</sup> Veliki broj dženaza u periodu opsade grada zauvijek su izmjenile vizuru grada – ispunjene su sve stare gradske grobljanske cjeline (mezaristani).

Nakon završetka agresije i opsade grada šira društvena zajednica znala je prepoznati i vrednovati uloženi napor uposlenika Pokopnog društva te je istom dodijeljen Zlatni ljiljan od Općine Centar Sarajevo i specijalna Povelja od Općine Stari Grad Sarajevo.

Pred sam kraj ovoga teksta valja nam navesti još nekoliko zanimljivih i hvale vijednih aktivnosti Pokopnog društva Bakije, a koje su ostavile dubokog traga na očuvanju kulturno-historijskog materijalnog i duhovnog naslijeđa. Bakije su godinama ulagale napor na prikupljanju i očuvanju rukopisa i knjiga te su istu aktivnost krunisali oformljivanjem biblioteke sa vrijednim bibliotečkim fonodom koji je sredinom 80-ih XX st. ustupljen Gazi Husrev-begovoj biblioteci i Fakultetu islamskih nauka. Također, zapažen je rad u izdavačkoj djelatnosti i

to iz oblasti islamistike i kulturne historije. Pokopno društvo Bakije finansijski su pomogle obnavljanje nekoliko sarajevskih džamija nakon ratnih razaranja. Posebno se ističe obnova Duradžik hadži Ahmedove džamije u periodu od 2001. do 2003. Navedena džamija i njeni prateći objekti nakon obnove svrstala se je u red najljepših sarajevskih džamija s krovom na četiri vode i kamenom munarom. Spomenimo i to da se u Duradžik hadži Ahmedovoj džamiji koja jeste dio šireg kompleksa Pokopnog društva Bakije godinama održavaju tevhide, hatma-dove, klanjaju teravije, uče mukabele, drže vazovi i dersovi, a sve te aktivnosti obavljaju uposlenici Islamske zajednice BiH.

I za sam kraj ovoga teksta sjetimo se kur'anskog kazivanja o smrti kao prolaznoj fazi u našem povratku ili uzlazno-spoznajnom procesu (ta'wilu):

*„A ti, o dušo smirena, vrati se  
Gospodaru svome zadovoljna, a i  
On tobom zadovoljan.“  
(Kur'an, LXXXIX:27-28)*

<sup>6</sup> Novi naziv sarajevskog pokopnog društva Bakije preuzet je iz islamskog nepresudnog vjeka – Kur'an. U izvijenom Svetom tekstu sam Bog sa vjere voli da je al-Rak'at – Vjelo. Navedena hadže svojstvo (sifat), jedno je od 99 Božijih ljepih imena (esma'ul-husna).

<sup>7</sup> „Ljudska duša (nefs), ili pak svjetlost (qalb) privatoljubi je božijih svojstava, što zapravo znači da vječnost duše jeste u džamiji ili u Međini (in šir'ini), odnosa po Bogu. Kazano je na punoljupcu i izvornost sarkofagi kreacija koji govori: „Ništa ni više rječito je, kao svetlost za Međinu vjere da ti se primakne, od službenja koje su uca nišino obavezano. I rob Adaj ne prestaje. Ti se primakne i dodatnom odnosa po svojoj sluhadnoj volji i te dak ga. Ja ne zvalim... I kada ga. Ja zvalim, Ja sam sluh kojim on sluša i Vid kojim on gleda, i Baka kojim on hvata. I Noga kojim on hodi.“

<sup>7</sup> <http://www.bakije.com/historijat.htm>

# Ferhadija za Dan žena

Povodom Međunarodnog Dana žena, 08. marta, u Ulici Ferhadija postavljeno je 25 unificiranih tezgi, kako bi se riješio problem bespravnog zauzimanja javnih

površina tokom praznika. Ulica je dobila praznično ruho i tih nekoliko dana mirisala je najrazličitijim vrstama cvijeća.

